



Muhluri u kota ku hlaya nkarhi



Zandile Malaza







Muhluri u na wachi yintshwa. U le ku dyondzeni ka ku hlaya nkarhi.

“Wa karhi wa antswa eka ku hlaya nkarhi, Muhluri,” ku vula kokwana.

Xin’we xo biha hi leswaku Muhluri u tshama a siyiwile hi nkarhi. U endla swilo hinkwaswo hi ku nonoka!



“Sweswi i awara ya 6, Muhluri,” ku vula kokwana. “I nkarhi wa xilalelo!”

Muhluri u dya xilalelo xa yena hi ku nonoka.

“Mufana loyi u nonoka ku fana na xivungu,” ku anakanya kokwana.







“Sweswi i awara ya 7, Muhluri,” ku vula kokwana. “I nkarhi wa ku hlamba na ku tilulamisela ku ya etlela.”

Muhluri u buracha meno ya yena hi ku nonoka. U tilulamisela ku ya etlela hi ku nonoka.

“Mufana loyi u nonoka ku fana na humba,” ku anakanya kokwana.



Hi awara ya 6 mixo lowu landzelaka, Muhluri wa ha etelele.

“Pfuka, Muhluri!” ku vula kokwana.

“Mufana loyi u nonoka ku fana na khongoloti,” a anakanya.







I awara ya 7 nimixo.

“Hatlisa, Muhluri! U ta siyiwa hi nkarhi wa xikolo,” ku vula kokwana.

Muhluri u hlamba hi ku nonoka. U ambala hi ku nonoka. U dya swakudya swa yena hi ku nonoka.

“Mufana loyi u nonoka ku fana na rimpfani,” ku anakanya kokwana.



I awara ya 8 nimixo.

Muhluri u sigiwile hi nkarhi wa xikolo. A ka ha vonaki vadyondzi van'wana.

“Hatlisa, Muhluri!” ku vula kokwana.

Kambe Muhluri u famba hi ku nonoka swinene loko a ya exikolweni, a ri karhi a wisa hi ndlela.

“Mufana luya u nonoka ku fana na xibodze,” ku anakanya kokwana.







Hi awara ya 10 nimixo, Muhluri u famba hi ku nonoka a ya etlilasini.

Hinkwavo va n'wi sondzolota. U siyiwile hi nkarhi swinene!

Muhluri a nga tsakeli ku sondzolotiwa. U khomiwile hi tingana letikulu.

“A ndzi nge he pfuki ndzi nonokile na ku siyiwa hi nkarhi nakambe,” a ti byela.



Mixo lowu landzelaka, Muhluri u hubuta a pfuka, a languta wachi ya yena. I awara ya 5. Kokwana wa ha etelele.

Hi ku hatlisa, Muhluri u tilulamisela ku ya exikolweni.

Namuntlha a hi Muhluri xibodze. Namuntlha i Muhluri xinkakaka!







Muhluri u famba hi ku hatlisa a ya exikolweni.
U languta wachi ya yena. I awara ya 7
nimixo naswona hi yena wo rhangwa ku fika
exikolweni!



Masiku lawa Muhluri a nga ha siyiwi hi nkarhi. Wa swi kota swinene ku hlaya nkarhi. Naswona u ya emahlweni a nga ha siyiwi hi nkarhi.

Kokwana wa tinyungubyisa hi yena!